

CUM A NÂS UN AȘÈE - Catellani Giuliano

Cun al calór dal sól,
fadìghi mai capìdi,
fròunti pini d'sudór....
l'umór del nòster vidi
al dvèinta n'óva céra
zala cumpagn a l'òr.
La vîn subétt sguazida
e i dal fugòun bùida
finchè l'an srà dvintèda
al fjol d'la nostra vida.
L'andrà po' travasèe
deint'r a 'na bàtta antiga,
e lè al vîn séguî
come a farévv 'na mèdra,
fin ch-an n'è madurî.
E al tèimp...
(come un bòn pèder),

al lé farà dvintèr
un èlisir fantastich
da fères estasièr.
E quindi.... ónór e gloria
a tótt chi acétai,
che cun pérsévèranza
sèinza stufères mai,
i èin stèe bòn d'créer
un nettare balsamico
fjol ed la nòstra tèra...
'na magica sustanza
d'inimitàbil savór
da fèr cuntèint la panza
sèinza ciamèr dutór,
pérchè la sóo fraganza
la dòuna al bòn umór.